

SULLISSINERMI ATUGASSARITITAASUT

Allatut isumaqatigiissusiortoqarsimanngippat sullissinermi atugassarititaasut Nuna Advokatit sullissinerinut tamanut atuupput.

1 SIUNNERSUISARNIVUT

1.1 Danske Advokatsamfundip malittarisassai, aamma advokatit ileqqorissaarnerannut pissuserissaarnerannullu malittarisassat, naapertorlugit siunnersuisarpugut.

1.2 Allatut isumaqatigiissuteqartoqarsimanngippat taamaallaat Kalaallit Nunaanni inatsisit pillugit siunnersuisarpugut.

1.3 Allakkatigut siumoortumik akuersisinneqarsimatinnata sullissatsinnut suliaq aalajangersimasorpiaq pillugu siunnersuinerput allanit imaluunniit siunertanut allanut atorpeqartassanngilaq.

2 SOQUTIGISAT APORAANNERI

2.1 Danske Advokatsamfundip malittarisassai naapertorlugit Nuna Advokatillu suleriaasii naapertorlugit suliaq tiguneqarnerani soqutigisatigut aporaattoqaratarsinnaanersoq taamalu suliamik tigusisinnaanngeratarsinnaanersugut misissorneqartarpoq.

3 PINERLUNNIKKUT ANINGAASARSIANIK MALUNNARUNNAARSITSINIARNEQ

3.1 Pinerlunnikkut aningaasarsianik malunnarunnaarsitsiniarnermik peqqarniisaarnianullu aningaasalersuinermik pinaveersaartitsiniarneq pillugu inatsisit naapertorlugit sullitatta kinaassusia pillugu paasissutissanik pissarsiniartussaallutalu toqqortaqtartussaavugut inatsisit atuuttut naapertorlugit. Paasissutissat taama ittut siunertanut allanut atorpeqassanngillat.

4 ISERTUUSSISUSSAATITAANEQ

4.1 Paasissutissat sullitamit pissarsiat sullitamulluunniit tunngasut tigusavut tamarmik isertuunneqartussaapput. Nuna Advokatini kikkut tamarmik Nuna Advokatillu suleqataat tamarmik sulianut tunngatillugu nipangiussisussaataapput.

5 PAASISSUTISSAT INUMMUT TUNNGASUT

5.1 Siunnersuinitinnut atatillugu paasissutissanik inummut tunngasunik suliaqartarpugut. Kalaallit Nunaanni inummut paasissutissat pillugit inatsisit qaqugukkulluunniit atuuttut naapertorlugit paasissutissat suliarisarpavut.

6 QARASAASIAKKUT ATTAVEQATIGIINNEQ

6.1 Attaveqarnitsinni ilaatigut email atortarparput. Emailikkut attaveqarnivut paasiuminaallisagaanngillat, virusinut, akuerisaanngitsumik allannguineranut, akuerisaanngitsumik malinnaavigineqarnermut, allannguineranut imaluunniit tamakku kingunerinut akisussaannngilagut.

7 TIGUSSAANNGITSUNUT PIGINNEQQAARTUSSAANEQ

7.1 Sullitatta paasissutissat aalajangersimasut pillugit piginneqqaartussaanerit pisariaqartut pissavaat, paasissutissalli suliaq pillugu uagut suliarisavut pillugit piginneqqaartussaanerit tigusaanngitsullu pillugit piginneqqaartussaanerit allat uagut pigissavavut.

8 ALLAGAATIT TOQQORTARINEQARTARNERAT

8.1 Allagaatit tamarmik suliap naammassineraniit minnerpaamik ukiuni tallimani toqqortarineqartarput, tamatuma kingorna allamik isumaqatigiissuteqartoqarsimangippat aserorterneqartarput.

9 AKISSARSIAT, AKILIGASSIISARNEQ IL.IL.

9.1 Assigiinngitsut tunngavigalugit akissarsiavut aalajangersarneqartarput, soorlu piffissaq atugaq, suliap inernera, annertussusia pisariussusialu, immikkut ilisimasani atuisariaqassuseq, akisussaaffiit suliamut atasut, piffissakilliorneq il.il.

9.2 Sullitap noqqaassuteqarneratigut akissarsiassavut missingersuusiortarpavut imaluunniit akissarsiassat naatsorsornerini tunngaviit suliarisarlugit. Missingersuutit naleqqersuutaannaasarput allamik erseqqissumik isumaqatigiissuteqartoqarsimatinnagu. Atuisunut tunngatillugu advokatit ileqqussaat pillugit malitassat naapertorlugit suliasaq aallartitsinnagu akigitavut pillugit sullitavut ilisimatittuaannarpavut.

T: (299) 32 13 70

F: (299) 32 41 17

E: email@nuna-law.gl

NUNA ADVOKATER EQQARTUUSSISSUSERISUT

LAW FIRM

Nuna Advokater ApS CVR 12525125 www.nuna-law.gl

Qullilerfik 2, 6.

Boks 59

3900 Nuuk, Grønland

9.3 Sullitavut nalinginnaasumik qaammammut, kvartalimut, imaluunniit suliaq naammassigaangat akiligassiorfigisarpavut akiligassiisarnissaq pillugu allamik isumaqatigiissusiortoqarsimatinnagu.

9.4 Akiliinermi piumasaqaataavoq ilanngaattissat ilanngaatigereerlugit aningaasanngorlugit akiliisoqartassasoq. Ullunit 30-it kingusinnerusumik akiliisoqassappat ernialiisarnermut inatsit naapertorlugu ullormit akiligassiivimmiit ernialiisoqartassaaq.

9.5 Akiliussigallarnerit aningaasartuutillu (soorlu sullissinnermut akit, assartuineq, najugaqarneq nerisaqarnerlu, nutserineq, aatsisartumit sullinneqarneq, kiisalu amerlasuunngorlugit nuutiterinerit) immikkut akiligassiisutigineqartarput.

9.6 Suliarput aallartitsinnagu akissarsiassavut aammalu akiliussigallarnerit aningaasartuutissallu siumut akileqqusinnaavavut.

10 SULLITAT ANINGAASAATAAT

10.1 Sullitat aningaasaataat aningaaserivimmi sullitanut kontumut ikineqassapput

Advokatsamfundillu malittarisassai malillugit isumagineqassallutik. Sullitanut kontutsinni erniat qaqugukkulluunniit atuuttut naapertorlugit sullitatsinnut kontumiittuutigineqartut minusimik erniaqarsimappata sullitatsinnut akileeqqusisinnaavugut.

10.2 Sullitat aningaasaataat sullitanut kontumiittut aningaasaliissunut qularnaveeqqusiisarnermut inatsisip ataaniipput, taannalu atuutissaaq aningaaseriveqarfik kontoqarfiusoq ajornartorsiulissagalarpat. Qularnaveeqqutit aningaasanik ikisisumut aningaaserivimmut ataatsimut EUR 100.000-inut qaffasinnerpaaffeqarput. Aningaaseriviit ajornartorsiulernerat pissutigalugu sullitat aningaasaataannik annaasaqarnermut matussusiineq ajorpugut.

11 AKISUSSAFFIK

11.1 Nuna Advokater Kalaallit Nunaanni inatsisit naapertorlugit siunnersuinerminut akisussaavoq matuma kinguliani taaneqartunik killiligaasumik.

11.2 Nuna Advokater kisimi akisussaatinneqarsinnaavoq, piginneqataasut, advokatit imaluunniit sulisut ataasiakkaat pinnatik. Nuna Advokater sillimmasiisarfimmi akuerisaasumi sillimmasersimavoq.

11.3 Akisussaaffipput ukiumut DKK 20.000.000-inut killeqarpoq taamalu sullissap taarsiissutigeqqusai tamarmiusut DKK 20.000.000 sinnerlugit taarsiivigineqarsinnaanatik.

11.4 Akisussaaffitsinnut ilaanngillat ingerlatsinermi annaasat, paasissutissat annaasat, iluanaarutissaraluit annaasat, tatigineqarnerup annaaneqarnera imaluunniit toqqaannangitsumik annaasat allat imaluunniit pisut malitsigisaanik ajoqusernerit.

12 NAAMMAGITTAALLIUTIT PISOQALISARNERLU

12.1 Sullitaq siunnersuinitinnik allanillu naammaginninngikkuni piginneqataasumut suliasamat akisussaasumut saaffigineqqullugu qinnuigineqarpoq.

12.2 Siunnersuinitinnik naammagittaalliutit akissarsiavullu pillugit akerliliinerit uunga tunniunneqarsinnaapput: Advokatnævnet, Kronprinsessegade 28, 1306 København K, telefon: 33 96 97 98, e-mail: klagesagsafdelingen@advokatsamfundet.dk. Aamma takuuk www.advokatsamfundet.dk.

13 INATSIINIK TOQQAANEQ EQQARTUUSSIVILLU AALAJANGIIVISUSSAQ

13.1 Siunnersuivut tamatumingalu isumaqatigiissutit pillugit isumaqatigiinngissutaajunnartut Kalaallit Nunaanni inatsisit ataanniipput Nunattalu Eqqartuussivianut tunniunneqarsinnaallutik.